

學古齋金石叢書

(二)



清・光緒卅年會稽董氏刊本影印
叢書彙編第一編之八

學古齋金石叢書

(二)

清・黃金鑑編

華文書局股份有限公司印行

光緒 壬午九月

識小編

懷海署

古琅龔氏
重校附棗

欽定四庫全書總目

子部雜
家類三

識小編二卷

浙江巡撫
採進本

國朝董豐垣撰豐垣字菊町烏程人乾隆辛未進
士官東流縣知縣是書凡二十四篇議禮者十
之九如前儒謂祭社卽祭地多不信周禮祭地
於澤中方丘之文豐垣因襲其說而附會於周
禮謂澤中之方丘卽王制之大社同在庫門內
今考明堂位曰春社秋省郊特牲曰社祭土日
用甲月令曰中春擇元日命民社周禮大司馬

中春教振旅遂以蒐田獻禽以祭社肆師社之日涖卜來歲之稼疏曰此社亦是秋祭社之日也據此則祭社自以春秋甲日方丘自以夏口至不得合而爲一也豐垣又因方丘一名方澤遂牽一澤字併合澤宮方澤爲一今考禮天子將祭必先習射於澤疏曰澤所在無文蓋於寬閒之處近水澤爲之又考周官澤虞註曰澤水所鍾也則方澤之宮皆近川澤庫門之內焉得爲水所鍾乎豐垣又謂卿大夫入官而受祿者

待臣之常數有功而受地者優臣之常典則是
無采地者其常而有采地者其變今考禮運曰
天子有田以處其子孫諸侯有國以處其子孫
大夫有采以處其子孫是爲制度云制度者舉
其常也則大夫有采非優異之特典明矣晉語
曰公食貢大夫食邑士食田庶人食力言常制
也荀子正論篇有天下者事七世有一國者事
五世有五乘之地者事三世有三乘之地者事
二世云五乘之地三乘之地皆言乎大夫士之

常祿也晉語韓宣子以秦后子及楚公子賦祿問於叔向對曰大國之卿一旅之田上大夫一卒之田夫二公子者上大夫也皆一卒可也宣子以秦公子富爲難叔向對以無績於民乃與子干均其祿夫受此一卒之地傳明言無績於民則豐垣必云有功而始受地者不亦誤乎春秋襄二十二年傳曰國之蠹也令倍其賦蓋倍魯大夫御叔之賦也杜註古者家有國邑有以重賦爲罰御叔於魯非有功之大夫而有國邑

昭十六年傳鄭大旱使屠擊祝款豎柎有事於
桑山斬其木不雨奪之官邑夫屠祝豎微職耳
而亦得有官邑則謂有功始受地何所據乎豐
垣蓋誤讀周禮司勳之文以賞田加田爲采地
故有是說也豐垣又謂大夫三廟王制有太祖
而無曾祖祭法有曾祖而無太祖大夫于祫及
其高祖則未必有高祖廟矣今考大傳于祫及
其高祖疏曰此言支庶爲大夫士者耳若適爲
大夫亦得及太祖故王制大夫有太祖師說云

大夫有始祖者鬼其百世若有善於君得祫則亦祫於太祖廟中徧祫太祖以下據此則子祫止及高祖自據無始祖廟者耳豐垣剛以證大夫無始祖廟是見其一不見其二也大傳曰別子爲祖註曰別子謂公子若始來在此國者後世以爲祖也以爲祖而無廟豈尊祖之謂乎白虎通曰宗其爲始祖後者爲大宗此百世不遷者也宗其爲高祖後者爲小宗五世而遷者也高祖遷於上宗則易於下據此則大宗不易於

下由始祖不遷於上也大夫而爲大宗若無始祖者又何緣爲百世之宗核其所言殊乖禮意况周官祭僕有曰凡祭祀王之所不與則賜之禽都家亦如之註謂王所不與同姓有先王之廟則同姓之卿大夫尙得遠立祖王之廟而先自絕其始封之祖可乎是亦未之詳檢也他如謂禹貢五服職方九服二而實一謂周禮五百侯四百里猶云今魯爲方百里五非爲方百里者二十五謂祭法有虞氏祖顓頊而宗堯不

及魯語郊禘而宗舜亦皆前儒之緒論至駁萬
斯大禘祫一事魯祫不追所自出及東周祖文
宗武不祖稷之說又駁毛奇齡祧主別立廟不
藏太祖廟之說議論最正援據亦詳爲有裨禮
制在近人之中尙爲究心經義者雖論多出入
固亦有可節取者焉

揚子云一卷之書必立之師又云羣言淆亂則折諸
聖五經之同異自石渠虎觀諸儒起而平之然或抱
殘守缺專門名家莫能彙羣經以注一經欲其折中
至聖而轉益多師者鮮矣余夙承庭訓隨所讀書每
有疑義輒研思殫精窮日夜以求其通久之積成卷
袞名曰識小編非敢師心自用聊以誦其所聞以俟
後世之子雲乾隆癸未吳興董豐垣序

世之千雲其劉受未及與常等也
其為曰小編其短而心曰其短之
其為黃淵用思取辭與口外以不其
其聖而神益之而香雅矣余尾而
其平如東門各案莫誰最事以者一
聖其辭之同異自曰其辭其辭而平
其子云一卷之書必立之編又云其
其言其言其言其言其言其言其言

識小編目錄

卷上

唐虞五服成周九服考

周禮封疆孟子王制田地說

有虞氏郊禘宗禘辨

論丹朱爲堯尸答曹丈大斌

太社在北郊辨

郊用辛社用甲說

禘祫一事并歲舉以午月魯禘不追所自出辨

東周祖文宗武辨

天子諸侯太祖考

大夫適士官師廟制攷

魯廟制攷

兄弟同昭穆辨

遷廟藏毀主辨

卷下

內諸侯受地受祿攷

外諸侯孤卿大夫士攷

內諸侯家臣攷

列國大夫家臣攷

五畝之宅攷

學校攷

孔子生日攷

孟子遊歷先後攷

書曹丈大斌人統二十四氣論後

儀禮五可疑策

督學鄧公科試第一

周官辨疑